

編號 2 號

【敬祖公】李雪菱原作

這擺五月節，阿爸帶偌兜轉伙房肚去敬祖公，有當多个牲儀排在神桌項，算算啊有五、六十戶人家。叔公講：「係講過年，又會還較多哦，歇在外地个都會轉來，有七、八十戶恁多。」輪著點香个阿亮叔比手畫腳个安排等，分大家个牲儀都做得排好勢。除忒三牲以外，偌兜中片伙房个子孫，還會另外準備五碗炒好个齋菜，阿婆同偌兜講，該係因為公太食齋。阿公講：「這係五燥五溼。」偌看有柿花、牛眼乾、麻糬、米糬、冬瓜糖、番豆糖，還有炒好个香菇、木耳、金針、筍乾、冬粉這兜，心肝肚想：「到底係公太愛食？還係偌兜好食？」

香點好，愛等斟酒，大家開始打嘴鼓，該片伯公講起頭擺歇在伙房，伙房分上片、中片、下片，敬祖公个時節有當多人。時代變咗，伙房歇毋下，後生人徙出去落戶，這下淨伸三、四十戶仔，看起來有兜仔冷落，故所，過年過節大家愛擲工轉來，恁樣正會鬧棚。

這片細阿叔講：「頭擺，下片阿木叔豬欄脢野生一頭杌仔，阿葉哥會帶偌兜歸陣細姪仔去摘來食，係分阿木叔姆看著，就會

拿祛把來逐偌兜，害偌兜都走到死無命，毋知愛去哪位園正好，到這下發夢著，都還會著驚咧！」大家聽到哈哈大笑，你一句、偌一句，笑聲滿廳下，實在有鬧熱。

叔婆、伯姆佢兜企在神桌脢，指等毋知哪家人个雞仔，緊說講，畜到當靚、縹來又澄線！細叔姆分大家看到面紅紅，又盡歡喜个講係厥个。叔婆幹頭同阿姊講：「你兜旨嫁人个細妹仔來看一下，左魚、右肉、雞中央，愛記得！莫排差咗，正毋會分人講偌兜無教著。」

另外一片，細後生仔企共下，手頂拿等手機仔，滑來滑去，不時耳側側仔細聲講話、不時又交流影片愛仰仔下載；還有人戴等耳機仔搖來搖去，一看就知係在該聽熱門音樂。外背禾埕項一大陣細嗶仔跔等阿弟牯走來走去、逐上逐下，毋知係在該搞麼个？分人看無哦！

阿亮叔喊：「斟酒、斟酒，銀紙愛先散便。」仰恁遽呢？嘴鼓都還旨打煞，大家又相賽去各家斟酒，無閒泊杈、左手交右手。三道酒過後、燒銀紙、砰紙炮仔<sup>1</sup>。

鬧鬧熱熱个伙房，有一籬鉢个生趣事，永久都講毋會煞，該跔等酒香散出來、隨等紙炮仔聲傳出來个，係幸福个香、係幸福个聲！

---

<sup>1</sup> 砰紙炮仔：音 bong zii` pau e`；燃放鞭炮。

編號 6 號

【 佢曉搵手咧 】廖惠貞原作

佢在屋下座大，阿姆講：「盡大个愛有好樣。」故所佢輒常帶等老妹共下學習、同大人搵手，阿婆講：「有緣正入共家門，一屋下人愛共心。」故所佢當聽話。

佢生到像大人恁高，毋過佢今年正十空歲仔定定，還係細人仔。屋下个大人有四儕，吾阿公、阿婆、阿爸摺阿姆。佢看世大人歸日仔愛上班賺錢，日日做到兩頭烏，還辛苦哪！細人仔當然愛多學做兜仔事情較好哪！

從細佢就好在灶下看阿姆煮食，佢對一年生開始，就會同大人搵手。阿姆煮菜、佢煮湯，兩儕人歡喜个鼻等香氣，七手八腳、就有好出菜吔；阿爸講佢恁乖，老妹摺佢搭手，佢越學就越快樂！佢也盡好跔阿婆去市場，市場係鬧熱又生趣个所在，做得認識當多東西，尤其係青菜，像苦瓜摺番瓜係愛掛皮煮个，菜瓜摺瓠仔就愛刨皮，芹菜係食莖个，番薯葉、芥蘭菜个葉仔摺莖都做得食，笏瓜仔<sup>1</sup>洗淨就食得，蔥仔、蒜仔仰般分，這兜全部都係佢在買菜个時節學著个。

<sup>1</sup> 笏瓜仔：音 ned` gua` e`；小黃瓜。

每日除忒搵做微毛末節个頭路，像：抹地泥、撿摯、收衫褲這兜，佢還會學煮飯。有一擺，吾姆出外，吾婆先愁便，佢就講：「阿婆！毋使愁，當晝佢來煮。」佢同米洗好，放入電鑊仔煮，堵好還有一鑊个爌肉<sup>2</sup>，就同佢放在瓦斯爐用炆火暖燒來，續等煎卵包、炒一盤薤菜，還煮咧一鑊包粟湯。佢也記得吾姆教過佢个：煮湯愛細義，毋好燒著！佢還有放芫荽仔<sup>3</sup>來菰香哦，兩下手就喊老妹好搵手排碗筷，過喊阿公、阿婆食飯哩！吾公、吾婆說佢講：「吾慧孫女大哩啲，還會唷！」佢自家也試著已沙鼻！

佢去到學校也會同先生搵手，因為佢係「細先生」。看先生歸日仔無閒泊杈，愛改一堆个字簿仔，故所佢會摺先生搵手，當晝頭就無歇睏。佢拿等紅色个筆，目珠擘金金檢查同學个字簿仔，毋著个位所就用紅筆箍起來，再過請同學改好來，也順續仔教一下毋曉得个同學，恁樣个頭路佢做毋會瘡，因為佢感覺有摺同學搵手著。

有一句話講「多學多得」，正經哦！佢學著當多，感謝吾个世大人分佢機會又信任佢，佢會繼續學習，佢也做得大聲講：「佢會煮飯哩啲！」

<sup>2</sup> 爌肉：音 kong` ngiug`；紅燒肉。

<sup>3</sup> 芫荽仔：音 ien` xi` e`；香菜。